

AKASHVANI AIZAWL
REGIONAL NEWS BULLETIN

HEADLINES (EVENING)

1. Ni 125 inhlawhna tur VB G RAM G chu vawiin atang hian Mizoram telin ram pumah hman tan a ni.
2. Dodalna karah vawiin khan Mizo Taxi App chu Transport Minister Pu Vanlalhlana'n a tlangzarh.
3. Prime Minister Narendra Modia chaun Digital India hmalakna avangin kum 11 liamta chhungin mi retheite dinhmun siamthat an ni a ti.
4. Union Minister Shivraj Singh Chouhan leh Kiren Rijiju te chuan vawiin khan Arunachal Pradesh tuilenna hmunte thlawhna hmangin an enkual.

<><><>

VB G RAM G

Sorkar laipuiin Ni 100 inhlawhna tia hriat lar, MGNREGS thlakna atana a duan, Viksit Bharat – Guarantee for Rozgar & Aajeevika Mission (Gramin) ,VB G RAM G chu vawiin atang hian hman tan a ni a, Mizoramah pawh hman tan ve nghal a ni.

Rural Development Minister Prof Lalnilawma chuan VB G RAM G chu ram rohlu thil siam nan hman a nih theih nan mipuiten ngaihtuahna seng se a tih thu a sawi a, nimin maia sorkar laipui atanga thu an dawn angin, VB G Ram G hnuaiah hian ni 1 ah cheng 300 hlawh theih turah an ngai a ti a ni. Prof Lalnilawma chuan Job Card nei te chu an rin chhonzawm dawn mai bakah inziaklut duh te chu Gramin Rozgar Guarantee Card pe tura inbuatsaih a ni a ti.

(BYTE),

Puan tawh angin VB-GRAMG atan hian Central Sawrkar in Mizoram chu cheng vbc 611 leh nuai 65 a pe tawh a, State Matching Share cheng vbc 67 leh nuai 95 pawh State Sawrkar in a ti fel tawh a ni.

Rural Development Minister Prof Lalnilawma chuan, Mizoram chu State Scheme siam hmasa ber a nih thu te, State Rules hrang hrang pawh a ruangam peih vek a ni tawh thu te, internet connectivity Chiang Kuang lo chung chung a e-KYC leh Face Authentication ah te Mizoram chu a sang pawl an nih thu te a sawi a.

MGNREGA ang bawka VB-GRAMG chu tangkai taka mipuiin an hman zel a beisei thu a sawi a ni.

Kan corr report ngaithla ang.

VC

VB – G RAM G Act, 2025 hi thingtlang mite hmasawnna leh inhlawhna tur siamna dan a ni a, a tum ber chu thingtlang hmasawnna leh kum 2047-a Viksit Bharat - India ramintodelh, ram changkang nih a tumna nen thlun zawma kum khatah ni 125 inhlawhna thingtlanga chengte tan siam leh hmasawnna ruhrel tha leh tlo siam a ni.

VB G RAM G Act hi vawiin atangin India state hrang hrangah kalpui tawh tur a ni a, he dan hian sawrkar kum khat (financial year) chhungin thingtlanga he danin a sawi anga thawk thei chhungkuaa mi, kum 18 tling chin leh thiam thil ngai lo (unskilled work) thawk hreh lo te tan ni 125 inhlawhna siam a tiam a ni.

Mahatma Gandhi NREGA hnuaia hnathawh mekte chu VB G-RAM G thawh tan hunah pawh ngaih pawimawh chhunzawm zel tur a ni a, VB – G RAM G hnuaia a thar pek an nih hma loh chuan MGNREGA Job Card neitute, e-KYC tifel tawhte chu he dan thar hnuaiah hian an inhlawh chhunzawm zel thei dawn a, thingtlanga cheng chhungkua, MGNREGA job card nei lote chuan an hming, kum zat, address leh chhungkaw detail te chu VC hnenah thehlutin Gramin Rozgar Guarantee Card an dil thei dawn a ni.

MGNREGA-ah hian hnathawktu pakhatin ni khatah Cheng 281 an hlawh a, VB – G RAM G ah hian Cheng 300 aia tlem lo hlawh tura ngaih a ni.

<><><>

HPV VACCINE

Chhul hmawr cancer thlentu Human Papillomavirus (HPV) luka invenna tur vaccine a thlawna rampuma pek runpuiah Mizoram chu a pe tha 3-na a ni tih Health & Family Welfare Minister Pi Lalrinpuin a sawi

He thu hi vawiin National Immunisation Day 2026 MINECO-a a hawnnaah sawiin Pi Lalrinpuin chuan pakhatna ni ngei turin hemi kawngah hian tan lak ni se a ti.

Pi Lalrinpuin chuan Mizoramah 'Polio Free State' ni reng turin vaccine lak ngaih pawimawh a, tan lak thar zel a pawimawh a ni a ti a, mihring nuai 16 vel chauh an awm avangin healthcare chu tha takin kan kalpui thei a ti a, National Immunisation Day pual a veng tinah hriattirna chhuah a nih hnuin nu leh pa tam takin polio vaccine dawng tura an fate an hruai chu lawmawm a tih thu a sawi,

Health & Family Welfare Department Addl. Secretary Pi Lalnunmawii Ralte chuan Polio chu naupangte ti zeng thei natna hlauhawm tak a ni a, tui leh ei leh in bawlhhlawh atanga kai darh theih a ni a ti a, Polio hi India ramah kum 2011 khan hmuh hnuhnun ber nimahse, ram thenawm- Myanmar, Bangladesh, leh Afghanistan-ah te hri a la len avangin kan ram hi inven fimkhur kan la mamawh reng a hei vang hian Kum 5 hnuai lam naupang zawng zawngte chu National leh Sub-National Immunization Day-ah te Polio drop pek thin an ni a ti. Kumina

vaccine pek target chu naupang nuai 1 & 2,830 niin, naupangte pual hian immunization booth 1,430 neih a nih thu a sawi bawk.

June 28 hi India ramah chuan National Immunisation Day atan hman thin niin, kuminah hian Mizoram district 11-ah hman mek a ni.



MIZO TAXI APP

Mihring phur chi sumdawna lirthei chi thum-four wheeler taxi, two wheeler taxi leh auto rickshaw te hman tura duan Mizo Taxi App chu vawiin khan Transport Minister Pu Vanlalhlana'n a tlangzarha, heng passenger phur lirthei intelkhawmte erawhin an dodal zui zel.

Mizoram Taxi Association (MTA), Aizawl Two Wheeler Taxi Association (ATTA) leh Aizawl District Rickshaw Owners Association (ADAROA) te chuan sorkarin ruahmanna an siam hi an duh loh thu leh Mizo Taxi application-ah inziak lut lo turin an member te an lo chah tawh a, hemi chungchangah hian Two Wheeler Taxi Association President Pu Lalhmunmawia chuan kan Corr. zawhna chhangin hetiang hmalakna lian tham a awm dawn anih chuan tuna an rate hman lai mek 2024 a mi chu ennawn sak hmasa se an duh tih a sawi a, an duh loh na lai pawh STA-ah te, Minister-ah leh lehkha pawh vawi-3 an thehluk tawh thu a sawi a ni.

(BYTE)

Kan corr report ngaithla ang.

VC

MizoTaxi online application hman tur hian Cheng 500- inziah luh a ngai a, nimin thleng khan lirthei 974 inziak lut an awm tawh a, 4- Wheeler Taxi 275, Auto Rickshaw 17 leh 2 Wheeler taxi 683 in register an awm tawh a ni.

Vawiin khan Aizawla Transport Office Conference Hall-Transport Minister Pu Vanlalhlanan Mizo mipuite hman tura Mizo ngeiin a siam chhuak chu lawmawm a tih thu leh hei hian ram changkang zawk ke pen rualin Mizoram pawhin hma a sawn ve thei a ni tih a lantir ani, a ti. Digital transformation chu mahni duh vang nilovin khawvel in a ken tel a ni a, sorkar inrelbawl na tha leh public service delivery tha zawk nei tur chuan heng hmanrua hi a pawimawh tih a sawi a ni.

(BYTE)

State Transport Authority (STA) chuan hriattirna a tihchhuah-ah Mizo Taxi App-a inziah luh hun tawp thlenga inziaklut an tlem a, Mizo mipui a phuhruk loh chuan Mizo Taxi App hmanga tlan tur permit pek chhuah an tum thu an lo sawi tawh a ni.



REMNA NI

Remna ni -Mizoram Peace Accord ziah kum 40-na, Ruby Jubilee pualin vawiin khan Aizawl Theological College ah hun buatsaih a ni a,

Zoram Research Foundation leh Aijal Club leh NCCI hnuaia India Peace Centre leh Aizawl Theological College-te tangkawp chuan hemi pual hian Special Lecture buatsaih-in thupui ah 'Sustaining the Peace Accord; 40 Years and Beyond' tih hman a ni a, NCCI India Peace Centre Director Pu Michael Angelious-an thupui bechhanin zirtirna hun a hmang a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

PM ON DIGITAL INDIA

Prime Minister Narendra Modia chaun Digital India hmalakna avangin kum 11 liamta chhungin mi retheite dinhmun siamthat an ni a ti. Mi maktaduai chuanguin khawsakna sang zawk an nei thei ta a ni. Pu Modia chuan Digital India chuan sawrkar inrelbawlina te, khua leh tuite thuamchak leh kawng engkima hmasawnna thlen turin inthlak danglamna a rawn thlen a ti a. Digital India chuan mi zawng zawng a khawih a ti a. Digital payment leh scheme dawngtuten hamthatna an dawn theihna direct benefit transfer hmangin langtlang takin hmalak a ni a ti a. Nitin khawsak phungah awlsamna tam tak a theln a ti bawk.

Digital India programme hi kum 2015 vawiin angah khan hawn a ni a. Tunah chuan khawvela Digital Public Infrastructure ecosystem lian ber din a ni tawh a ni.

<><><>

ARUNACHAL PRADESH

Union Minister Shivraj Singh Chouhan leh Kiren Rijiju te chuan vawiin khan Arunachal Pradesh tuilenna hmunte thlawhna hmangin an enkual. Union Minister te hi Arunachal Pradesh Chief Minister Pema Khandu chuan a tawiawm a. Tuilian tuar nasa ber East Siang district-a Pasighat leh Boying kuate an tlawh a. Tuilian hian chenna in tam tak a chim bakah thlai chinna hmun a chim chhe nasa hle a. Chhungkaw tam takin harsatna an tawh phah a. Union Minister te hian chhiatna tuarte an kawm bawk a ni.

Hriat theih chinah tuilian avanga chhiatna thlengah hian mi pali an thi tawh a. Mi 21 in hliam an tuar a. District 28-a cheng mi 90,499 in harsatna an tawk a ni.

<><><>